



Broj: 02-04-29617-9/24
Sarajevo, 23.05.2024. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), Budžeta Kantona Sarajevo („Službene novine Kantona Sarajevo“, broj: 55/23), Zakona o izvršavanju Budžeta Kantona Sarajevo za 2024. godinu („Službene novine Kantona Sarajevo“, broj: 55/23) te člana 4., 5., 7. i 8. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22) Vlada Kantona Sarajevo, na **25. sjednici održanoj 23.05.2024. godine**, donijela je

O D L U K U

O USVAJANJU PROGRAMA UTROŠKA SREDSTAVA PUTEM DODJELE TRANSFERA ZA FINANSIRANJE I SUFINANSIRANJE AKTIVNOSTI/PROGRAMA/PROJEKATA NEPROFITNIH ORGANIZACIJA I DRUGIH PRAVNIH LICA SA RAZDJELA KABINETA PREMIJERA KANTONA SARAJEVO ZA 2024. GODINU

I

Ovom odlukom usvaja se Program utroška sredstava putem dodjele transfera za finansiranje i sufinansiranje aktivnosti/programa/projekata neprofitnih organizacija i drugih pravnih lica sa razdjela Kabineta premijera Kantona Sarajevo u Budžetu Kantona Sarajevo za 2024. godinu („Službene novine Kantona Sarajevo“, broj: 55/23).

II

Raspored sredstava tekućih transfera vrši se na sljedeći način:

Naziv davaoca budžetskih sredstava:	Kabinet premijera Kantona Sarajevo
Datum izrade Programa utroška sredstava:	30.04.2024. godine
Pravni osnov za dodjelu sredstava transfera:	<ul style="list-style-type: none">– Budžet Kantona Sarajevo za 2024. godinu („Službene novine Kantona Sarajevo“, broj: 55/23)– Zakon o izvršavanju Budžeta Kantona Sarajevo za 2024. godine („Službene novine Kantona Sarajevo“, broj: 55/23)– Uredba o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22)

	<ul style="list-style-type: none"> - Uredba o osnivanju Kabineta premijera Kantona Sarajevo („Službene novine Kantona Sarajevo“, broj: 22/22 i 5/24) - Memorandum o razumijevanju s ciljem podrške radu Memorijalnog centra Srebrenica - Potočari spomen obilježje i mezarje za žrtve genocida iz 1995. godine, Srebrenica (broj: 02/01-11-7806-2/21 od 20.04.2021. godine)
Ukupan iznos sredstava utvrđenih Programom utroška sredstava sredstava po svim izvorima finansiranja	341.000,00 KM
Procijenjene grupe korisnika sredstava	Neprofitne organizacije i druga pravna lica, a naročito manja udruženja građana i neprofitne organizacije sa područja Srebrenice, Bratunca, Milića, Vlasenice, Zvornika, Višegrada i Rogatice. Korisnici su i vjerske zajednice sa područja Kantona Sarajevo, Međureligijsko vijeće i Memorijalni centar Potočari.
Opći cilj programa utroška sredstava sa jasnom vezom sa relevantnim strategijama/ili prioritetima davaoca sredstava, odnosno Vlada	Obezbjedenje pristupa i raspolaganja budžetskim sredstvima na principu zakonitog, namjenskog, transparentnog i efikasnog finansiranja, odnosno sufinansiranja neprofitnih organizacija i drugih pravnih lica iz Budžeta Kantona Sarajevo, sa pozicije Kabineta premijera.
Specifični cilj Programa utroška sredstava koji sadrži mjerljive očekivane rezultate u toku i nakon provođenja finansiranja sredstvima predviđenim u programu utroška sredstava	<ul style="list-style-type: none"> - Poboljšanje kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice. - Podrška radu vjerskih zajednica, Međureligijskog vijeća i Memorijalnog centra Potočari.
Način utvrđivanja postizanja specifičnog cilja sa izvorima podataka će koristiti za utvrđivanje postizanja specifičnog cilja i kako planira doći do tih podataka	Utvrđivanje postizanja prvog specifičnog cilja uredit će se internim aktom kojim će se definisati preduslovi i neophodne aktivnosti za utvrđivanje postizanja specifičnog cilja korištenjem internih i eksternih izvora.
Kriteriji za dodjelu sredstava koji uključuju opće i posebne kriterije koji će se koristiti za odlučivanje o dodjeli sredstava koji moraju biti specifični i objektivno mjerljivi	Kriteriji za dodjelu sredstava utvrđeni su Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj: 22/21 i 13/22), a sve u kontekstu poboljšanja kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice.
Vrsta projekata/aktivnosti koji će biti finansirani Programom utroška sredstava sredstava uključujući i vrstu projekata/aktivnosti koja neće biti finansirana	Projekti, programi i aktivnosti neprofitnih organizacija koji će se finansirati u skladu sa Programom su oni koji ispunjavaju opće i posebne uslove iz Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“,



	<p>broj: 22/21 i 13/22), a naročito u pogledu kvaliteta planiranih aktivnosti i metode provođenja koje su usko povezane sa unapređenjem kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice, te kvalitetno razrađenog i specificiranog budžeta sa informacijama o ukupnom iznosu finansijskih sredstava potrebnih za provođenje projekta, iznosu koji se traži od Kabineta premijera Kantona Sarajevo, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznosu vlastitih sredstava koje će podnosilac prijave sam uložiti u provođenje projekta (sufinansiranje), direktne troškove provođenja projekta razrađene po izvorima finansiranja, te indirektno troškove provođenja projekta.</p> <p>Osim neprofitnih organizacija i drugih pravnih lica koje nisu opravdale niti dostavile finansijski izvještaj o utrošku budžetskih sredstava u cijelosti za odobreni program, projekat ili aktivnost u prethodnom periodu, a što je u skladu sa odredbama pozitivnih propisa kojima se uređuje ova oblast, sa pozicije Kabineta premijera neće se finansirati oni projekti, programi i aktivnosti gdje je iz priloženog budžeta vidljivo da će najveći dio sredstava biti usmjeren ka isplaćivanju naknada voditeljima projekata, edukatorima i sl., odnosno gdje će sredstva nesrazmjerno biti utrošena za administrativne troškove.</p> <p>Projekti, programi i aktivnosti u kojima nema konkretne korelacije između planiranih sadržaja i poboljšanja kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice, također neće dobiti sredstva sa pozicije Kabineta premijera.</p> <p>Usljed visokog rizika od kolizije sa pozitivnim propisima prilikom realizacije, infrastrukturni projekti također neće biti finansirani sa ove pozicije.</p>
<p>Način dodjele sredstava odnosno jasno navesti da li će se sredstava dodijeliti javnim pozivom ili bez objave javnog poziva</p>	<p>a) Putem javnog poziva Kabinet će finansirati projekte, programe i aktivnosti neprofitnih organizacija i drugih pravnih lica sa budžetske stavke „Transfer neprofitnim organizacijama i udruženjima za fin/suf projekata za područja Srebrenice“ (ekonomski kod 614300 subanalitika BAN039), a kojima se podržavaju projekti, aktivnosti i programi koji su usmjereni ka poboljšanju kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice.</p>



	<p>b) Bez javnog poziva Kabinet premijera će finansirati vjerske zajednice, sa budžetske stavke „Transferi vjerskim zajednicama“ (ekonomski kod 614300 subanalitika BAN036), a nakon donošenja odluke Vlade Kantona Sarajevo.</p> <p>c) Bez javnog poziva Kabinet premijera će finansirati Međureligijsko vijeće, sa budžetske stavke „Transfer Međureligijskom vijeću“ (ekonomski kod 614300 subanalitika BKN001), a nakon donošenja odluke Vlade Kantona Sarajevo.</p> <p>d) Bez javnog poziva Kabinet premijera će finansirati Memorijalni centar Potočari, sa budžetske stavke „Podrška i pomoć radu Memorijalnog centra Srebrenica-Potočari Spomen obilježje i mezarje za žrtve genocida iz 1995. godine“ (ekonomski kod 614300 subanalitika BAN038), temeljem zaključenog Memoranduma o razumijevanju.</p>
--	--

Obrazloženje za utvrđene iznose po projektima/aktivnostima

- (a) Sredstva namijenjena za finansiranje neprofitnih organizacija putem javnog poziva u iznosu od 115.000,00 KM sa razdjela 1101000111010001, ekonomski kod 614300 subanalitika BAN039 „Transfer neprofitnim organizacijama i udruženjima za finansiranje/sufinansiranje projekata za područja Srebrenice“ kojima se podržavaju projekti, aktivnosti i programi koji su usmjereni ka poboljšanju kvalitete života građana sa područja Srebrenice, Bratunca, Milića, Vlasenice, Zvornika, Višegrada i Rogatice.
- (b) Sredstva namijenjena za finansiranje vjerskih zajednica bez javnog poziva (po odluci Vlade Kantona Sarajevo), sa budžetske stavke „Transferi vjerskim zajednicama“ (razdjel 1101000111010001, ekonomski kod 614300 subanalitika BAN036) u iznosu od 100.000,00 KM, dodijelit će se, u cilju podrške vjerskim zajednicama, Medžlisu Islamske zajednice u Sarajevu, Jevrejskoj općini Sarajevo, Srpskoj pravoslavnoj parohiji Sarajevskoj, Muftijstvu Sarajevskom i Vrhbosanskoj nadbiskupiji.
- (c) Sredstva namijenjena za finansiranje Međureligijskog vijeća bez javnog poziva (po odluci Vlade Kantona Sarajevo), u iznosu od 26.000,00 KM, sa budžetske stavke „Transfer Međureligijskom vijeću“ (razdjel 1101000111010001, ekonomski kod 614300 subanalitika BKN001).
- (d) Sredstva namijenjena za finansiranje Memorijalnog centra Potočari bez javnog poziva (temeljem zaključenog Memoranduma o saradnji), sa budžetske stavke „Podrška i pomoć radu Memorijalnog centra Srebrenica - Potočari Spomen obilježje i mezarje za žrtve genocida iz 1995. godine“ (razdjel 1101000111010001, ekonomski kod 614300 subanalitika BAN038) u iznosu od 100.000,00 KM, dodijelit će se Memorijalnom centru Potočari sa kojim je Vlada Kantona Sarajevo zaključila Memorandum o razumijevanju s ciljem podrške radu Memorijalnog centra Srebrenica – Potočari spomen obilježje i mezarje za žrtve genocida iz 1995. godine, Srebrenica (broj: 02/01-11-7806-2/21 od 20.04.2021. godine).



Svi navedeni iznosi planirani su prilikom izrade nacрта/prijedloga i usvajanja budžeta Kantona Sarajevo za 2024. godinu – iznosi sa odnosnih stavki u cjelosti će se utrošiti kako je prethodno opisano.

Procjena rizika za realizaciju Programa utroška sredstava:

Vrsta rizika	Vjerovatnoća	Uticaj	Mjere
Nedovoljna dostupnost informacija potencijalnim korisnicima sredstava	Niska - prihvatljiva	Na realizaciju procesa	Kontinuirana komunikacija sa korisnicima, kako kroz medije i društvene mreže, tako i kroz direktnu komunikaciju potencijalnih korisnika i uposlenika Kabineta.
Nedovoljno poznavanje metodologije izrade prijave za javni poziv u skladu sa novom uredbom (obzirom na ciljanu grupu korisnika sredstava)	Niska - prihvatljiva	Na realizaciju procesa	

Vrste aktivnosti praćenja koje se planiraju provoditi

Svaki ugovor o dodjeli sredstava sa pozicije Kabineta premijera sadrži odredbe kojima se utvrđuje obaveza korisnika sredstava da dostavi narativni i finansijski izvještaj o namjenskom utrošku sredstava doznačenih iz Budžeta, najkasnije u roku od 15 dana od realizacije projekta ili aktivnosti. Izvještaj mora sadržavati i ovjeren popis svih troškova, te dokaze o osnovu utroška dodijeljenih sredstava. Kroz analizu i evaluaciju dostavljenih izvještaja Kabinet će pratiti utrošak dodijeljenih sredstava, odnosno realizaciju projekata, programa i aktivnosti.

Kabinet će provoditi obavezne terenske posjete korisnika čija je ukupna izloženost riziku utvrđena kao visoka, o čemu će se sačiniti izvještaj.

Kabinet će prilikom dodjele sredstava obratiti pažnju na eventualne rizike realizacije. Ukoliko su rizici visoki, te bi troškovi kontrole utroška sredstava (angažovanje i realizacija terenske posjete) premašivali iznos dodijeljenih sredstava, odnosno ne bi bili opravdani i srazmjerni, takvim projektima, programima i aktivnostima sredstva neće biti dodijeljena.

Kabinet će voditi evidenciju dodijeljenih sredstava na osnovu Programa utroška i kroz plan praćenja.

Mjere za sprečavanje nepravilnosti i sukob interesa

Kabinet će definisati internim aktima, a u skladu sa zakonskim propisima, mjere za sprečavanje nepravilnosti i sukoba interesa u svim fazama provođenja i dodjele sredstava.

U slučajevima pojave nepravilnosti i utvrđenog nenamjenskog trošenja budžetskih sredstava, Kabinet će aktivirati mehanizme povrata sredstava prema odredbama ugovora o dodjeli sredstava, kao i putem izvještavanja, te uključivanja nadležnih institucija u cilju ukazivanja i sprečavanja štetnih posljedica.

III

Za realizaciju ove odluke zadužuju se Kabinet premijera Kantona Sarajevo i Ministarstvo finansija Kantona Sarajevo, svako u okviru svoje nadležnosti.



IV

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Kabineta premijera Kantona Sarajevo,
5. Ministarstvo finansija Kantona Sarajevo,
6. Za objavu u „Službenim novinama Kantona Sarajevo“,
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba